



**KEMENTERIAN PENGANGKUTAN  
MALAYSIA**

---

**Isnin, 18 Mei 2020  
Untuk Siaran Segera**

**KENYATAAN MEDIA  
TIMBALAN MENTERI PENGANGKUTAN MALAYSIA**

**TAJUK: LANGKAH-LANGKAH KESELAMATAN YANG DIAMBIL BAGI  
PENERBANGAN PULANG PELAJAR KE SARAWAK**

---

Kerajaan Malaysia telah melaksanakan prosedur operasi standard (SOP) yang selamat untuk melakukan penerbangan dari Semenanjung ke Sabah dan Sarawak sebagai sebahagian daripada usaha pencegahan serta pengawalan penularan wabak pandemik COVID-19 di dalam negara negara.

Menjawab dakwaan tidak berasas segelintir pihak yang menuduh kononnya Kerajaan tidak serius dalam melaksanakan langkah-langkah pencegahan wabak, Kementerian ingin memberi jaminan bahawa para pelajar yang pulang ke kampung halaman masing-masing di Sabah dan Sarawak dengan penerbangan khas telah pun dikuarantin selama dua (2) bulan di kampus masing-masing di Semenanjung. Malah, mereka juga telah menjalani saringan kesihatan sebelum menaiki bas yang sudah disanitasi untuk dibawa ke Lapangan Terbang Antarabangsa Kuala Lumpur (KLIA).

Setelah tiba di Sarawak, para pelajar ini juga diminta supaya dikuarantin di tempat yang ditetapkan oleh Jawatankuasa Pengurusan Bencana Negeri Sarawak selama 14 hari sebelum dibenarkan pulang ke rumah masing-masing.

Dari 1-18 Mei 2020, seramai 7,606 pelajar telah dibawa pulang ke Sarawak termasuk ke Kuching, Bintulu, Miri, dan Sibul. Kesemua mereka telah menjalani ujian saringan kesihatan yang ketat sebelum dibenarkan pulang ke negeri Sarawak.

Dalam proses pelepasan, penjarakan sosial antara pelajar sangat diutamakan mengikut garis panduan yang ditetapkan oleh Kementerian Kesihatan di bawah Perintah Kawalan Pergerakan Bersyarat (PKPB). Soal kesihatan dan keselamatan para pelajar dan krew penerbangan sememangnya sentiasa menjadi keutamaan Kerajaan.

Kementerian juga ingin menasihati ibu bapa dan pelajar untuk terus mematuhi prosedur yang ditetapkan sebagai sebahagian daripada tanggungjawab bersama dalam mencegah penularan wabak COVID-19 dalam komuniti. Orang ramai juga diingatkan supaya terus mematuhi PKPB yang dikuatkuasakan sehingga 9 Jun 2020.

**YB HJ HASBI HABIBOLLAH**  
**Timbalan Menteri Pengangkutan Malaysia**  
**Ahli Parlimen Limbang**  
**18 Mei 2020**

**- TAMAT -**